

Lentswe la gago. Morafe wa ga lona. Maatla a gago.

MOTSELETSELE WA BUKANA YA PUSO YA SELEGEAE

Go tsaya Karolo ga Basha mo Pusong ya Selegae



Bukana eno e naya tshedimosetso ka puso ya selegae mo Aforika Borwa.

Bommasepala ba botlhokwa thata ebile ba naya ditirelo tse di re letlelelang go tshela matshelo a a nang le seriti le boitekanelo.

Go Matlafatsa Kokomana e e Tlang gore Mmasepala a ba Tsenye mo Dithulaganyong tse a di Dirang

Bukana e e diretswe go naya basha maatla a go tlhagafalela go aga merafe ya bone, go thotlheletsa dithulaganyo tse mmasepala a di dirang, le go dirisa tshwanelo ya bone mo pusong ya selegae mo Aforika Borwa.

A O NE O ITSE? (DINTLHA KA BOKHUTSHWANE)

Tlhaloso ya Basha: Mo Aforika Borwa, basha ka semolao ke batho ba dingwaga tse di magareng ga tse 18 le 35.

Maatla a Basha: Mo Aforika Borwa, basha semolao ke batho ba dingwaga tse di magareng ga tse 18 le 35. Ke palo e kgolo e e nang le bokgoni jwa go aga bokamoso jwa merafe ya rona.

Palo ya Basha ba ba

Tlhopang: Ka ditlhopho tsa puso ya selegae ya 2021, e ne e le 20% fela ya basha ba ba neng ba tlhopha. Ka ditlhopho tsa diporofense le tsa naga yotlhe tsa 2024, palo ya basha ba ba neng ba tla go tlhopha e ne e ntse e le kwa tlase ga 30%. Seno se bontsha gore go tlhokega thata gore basha ba tseye karolo mo ditirong tsa temokerasi.

Kemedi ya Basha mo Palamenteng ya Aforika

Borwa: Ke 3% fela ya Maloko a Palamente (bo-MP) ba ba nang le dingwaga tse 20-29. 16.8% ya bone ba na le dingwaga tse 30-39. Seno se bontsha sentle pharologano e kgolo gareng ga palo ya basha le kemedi ya bone mo dikarolong tsa go dira ditshwetso.

Papiso le ba Lefatshe Lotlhe: Ke 2.8% fela ya mapalamente lefatshe ka bophara ba ba leng ba dingwaga tse di kwa tlase ga tse 30, fa 50% ya batho ba lefatshe lotlhe e le ba dingwaga tse di kwa tlase ga tse 30. Dinaga tse di tshwanang le Norway (13.6%), Armenia (13.1%), le Germany (8.8%) di na le basha ba bantsi.

“RE TSHWANETSE GO REETSA BASHA. MEGOPOLO YA BONE E BOTLHOKWA”

- Leloko la Morafe

Go Tsaya Karolo ga Basha: Ba Tshegediwa ke Molao



Mo Aforika Borwa, melao le dipholisi tse di farologaneng di kgothaletsa basha go tsaya karolo, bogolo jang mo pusong ya selegae. Seno se raya gore o na le tshwanelo ya go bua, go abelana megopolo ya gago, le go thusa go dira ditshwetso tse di amang toropo kgotsa toropokgolo ya ga lona!

Molaotheo wa Aforika Borwa (1996): O tlhomamisetsa basha gore ba na le tshwanelo ya go tsaya karolo mo ditshwetsong tsa puso. O rotloeletsa tekatekanyo, go sa tlogelwe kwa morago, le go nna baagi ba ba tlhaga.

White Paper ya Puso ya Selegae (1998): E kgothaletsa dipuso tsa selegae go bereka le merafe, go akaretsa le basha, go tokafatsa go newa ga ditirelo le go dirwa ga tlhabololo.

Molao wa Ditsamaiso tsa Bommasepala (2000): O tlhoka gore bommasepala ba akaretse basha mo go rulaganyeng le go tsaya ditshwetso, segolo bogolo ka go dirisa Integrated Development Plan (IDP).

Molao wa Municipal Structures (1998) le Molao wa Municipal Finance Management (2003): E tlhoma melao ya kafa bommasepala ba dirang ka teng le go laola madi, go dira gore go nne le sebaka sa gore basha ba nne le seabe mo tlhabolong ya selegae.

Molao wa National Youth Development Agency (NYDA) (2008): O tlhomile NYDA go etelela pele maiteko a tlhabololo ya basha le go netefatsa gore basha ba akarediwa mo mananeong a naga le a selegae.

Dikaelo tsa Mmasepala tsa Basha (2004): Di kgothaletsa bommasepala go rulaganya Ditlhopha tsa Basha le Makgotla a Basha go tshegetsatshegetsa go nna le seabe ga basha mo go rulaganyeng le mo go direng ditshwetso.

Pholisi ya Naga Mabapi le Basha (2020–2030): Thulaganyo ya go naya basha maatla ka thuto, go bona tiro, boitekanelo, le go nna le seabe mo morafeng. E rotloeletsa tlhabololo e e sa tlogeleng basha kwa morago le go ba tsibogela.

National Development Plan (NDP 2030): Boikaelelo jwa yone le go fedisa khumanego le go fokotsa go sa lekalekane ga batho ka 2030. E bontsha botlhokwa jwa go tsaya karolo ga basha e le selo sa botlhokwa mo go ageng Aforika Borwa e e botoka.

Thulaganyo ya Naga ya Tirelo ya Basha: E kgothaletsa go tsenngwa ga basha mo tselong ya morafe le diporojeke tsa tlhabololo ya selegae.

White Paper ka Ditshwanelo tsa Batho ba ba Nang le Bogole (2015): E tlhomamisa gore basha ba ba nang le bogole ba tsenngwa mo dikarolong tsotlhe tsa botshelo, go akaretsa le puso ya selegae.

Molao wa Tekatekano mo Tirong: O thusa gore batho botlhe ba tshwarwe sentle le go nna le ditshono tse di lekanang, gammogo le basha, mo tirong.

“TSELA E NNGWE E E BONTSHANG GORE NAGA E GATETSE PELE KE TSELA E E TSHWERENG BASHA BA YONE.”

– Dr Essop Pahad,
National Youth Development Policy Framework (2002–2007)

Goreng go Tsaya Karolo ga Basha go le Botlhokwa

Ditshwetso tse di dirwang ke bommasepala di ama basha ka tlhamalalo: ditirelo, ditiro, pabalesego, boitlosobodutu, le tse dingwe.

Basha ba tlisa megopolo e mesha le dipono mabapi le mathata selegae.

Go dirisana le basha go rotloetsa merafe e e sa tlogeleng ope kwa morago le e e kgonang go tswelediwa.

Palo e e kwa tlase ya basha ba ba tlhophang le go sa nne teng ga bone mo diphutheng tsa bommasepala go bontsha go sa tshwaragana. Re tshwanetse go fetola seo!

KE ENG SE SE DIRANG GORE BASHA BA SALELE KWA MORAGO?

- Go sa tshepe ditheo tsa polotiki
- Diphuthego tse di sa natefeleleng basha kgotsa tse ba sa kgoneng go ya kwa go tsone
- Ditshono tse di seng kalo tsa go nna le seabe sentle
- Palo e e kwa godimo ya basha ba ba sa berekeng le khumanego
- Thutego e e sa lekanang ya morafe

KE JANG BASHA BA KA NNANG LE SEABE?

Tseno ke dingwe tsa ditsela tse basha ba ka tsayang karolo mo go bommasepala ka tsone.

- Go nna teng mo diphutheng tsa Integrated Development Planning (IDP) mo kgotleng ya lona
- Go tsena mo dikomiting tsa kgotla
- Go emela go nna ntlhopheng wa mokhanselara
- Go dirisa social media
- Go ithaopele go bereka kgotsa go rutelwa tiro mo mmasepaleng
- Go tlhophela le go kgothaletsa ba bangwe go tlhophela
- Go kgothaletsa gore go dirwe dithulaganyo tsa basha



**“LENTSWE LA GAGO KE LA
BOTLHOKWA. MEGOPOLO
YA GAGO E BOTLHOKWA. GO
TSAYA KAROLO GA GAGO GO
NA LE MAATLA.”**

DITSELA DINGWE TSA GO TSAYA KAROLO



Tse di tshwanetseng go dirwa	Ee	Nyaa
A o ikwadiseditse go tlohpha mo ditlhopong tsa pusong ya selegae?		
A o itse mokhanselara wa kgotla ya lona?		
A o itse maloko a komiti ya kgotla ya ga lona?		
A o nnile teng mo phuthegong ya mmasepala?		
A o karolo ya setlhopha sa basha kgotsa setheo sa tirelosetšhaba?		
A o latela mmasepala wa ga lona mo social media?		

KE TSHEGETSO EFE E MMASEPALA A TSHWANETSENG GO E NAYA?

- Go Tihama Ditlhopha Kgotsa Makgotla a Basha
- Go dirisa dipolatelyamo tsa dijithale go naya tshedimosetso le pegelo
- Go ruta setšhaba
- Go dira gore basha ba tle pele mo thulaganyong ya bajete
- Go kgothaletsa basha go emela bontlhopheng ba makhanselara le maloko a komiti ya kgotla.
- Go nna bomphato le makgotla a basha (a a tshwanang le Activate Change Drivers)

COMPACT has developed civic education pamphlets on several topics: understanding local government, accountability and oversight, municipal councillors, and ward committees. The *Working Towards Collaborative Local Government* guide provides very useful information about municipalities.

Visit <https://pari.org.za/compact>



Ba botlhokwa: Activate Change Drivers!

Activate Change Drivers! ke tshwaragano ya basha ba boikaelelo jwa bone e leng go dira gore basha ba kgone go nna baagi ba ba tlhagafaletseng go naya megopolo e mesha, ba ba tlhotlheletsang le go kgothaletsa go dira diphetogo tse di siameng go solegela botlhe molemo. Setheo seno se ntse se tlhokometse diphuthego tsa IDP mo go bommasepala botlhe go tlhomamisa gore mantswe a basha a a reediwa. Go nna teng mo diporofenseng tsothe tse robongwe, batsosolosi ba basha:

- Nna teng mo diphuthegong tsa IDP le go bega ka tsone
- Phutha basha go tsaya karolo
- Buelela gore basha e nne bone ba tlang pele mo dithulaganyong ya mmasepala

Gore o bale tse dintsi tsena mo webosaeteng ya: [https://
activatechangedrivers.co.za/](https://activatechangedrivers.co.za/)

ACTIVATE!
change drivers





Co-funded by
the European Union

Website: <https://pari.org.za/compact>

Twitter: @Compact_MyMunic

Facebook: Compact – My Municipality

Imeile: Girish Daya: girishd@pari.org.za

Winnie Manganye: wmanganye@salga.org.za